

T H E S E S  
ANATOMICO-CHIRURGICÆ  
DE FRACTURA COSTARUM.

*QUAS, Deo juvante, & Præside M. JOANNE-ABRAHAM  
AUVITY, Artium & Chirurgiæ Magistro, nec-non Nosocomii  
vulgò dicti des Enfants-Trouvés Chirurgo præcipuo, tueri  
conabitur JOANNES LABORDE, Placentinus-Tarbensis, in  
Almâ Universitate Parisiensi Artium liberalium Magister,  
nec-non in Regiâ familia præpositurâ Chirurgus ordinarius.*

*Die Sabbati 25 Octobris, anno R. S. H. 1783,  
à sesqui-secundâ post meridiem ad septimam.*

P A R I S I I S,

IN REGIIS CHIRURGORUM SCHOLIS:

PRO ACTU PUBLICO,

II

SOLEMNI COOPTATIONE.



Typis MICHAELIS LAMBERT, Regii Chirurgiæ  
Collegii, necnon Academiæ Typographi, viâ Cithareâ.

---

M. DCC. LXXXIII.










D. O. M.



*T H E S E S*  
ANATOMICO-CHIRURGICÆ  
*DE FRACTURA COSTARUM.*

**Q**uò magis ad vitam necessaria partium corporis humani munera, eò, si lædantur, imminentius instat periculum. Hinc sævissimæ cerebri, viarum sanguinis, aut respirationis organorum læsiones; ex his ultimis, haud insolitâ & sæpe sapiùs periculosâ de costarum fracturâ, præmissis quibusdam Anatomicis & Physiologicis, differere animus est.



## EX ANATOMIA.

Compages thoracis ossium conica, apice superius truncato, basi verò inferius obliquâ; antrorsum à sternò confecta, in planum abit, retrò à vertebris dorsalibus convexa, intusque concava. Latera quæque costis duodecim efformari, maximam convexitatem effingendo, quamque formam mollibus partibus parum immutari, neminem fugit.

Sepimentum ex duplici membranâ sub nomine *mediastini* conflatum, hanc cavitatem bifariam dividit; à columnâ dorsali ad os pectoris protenditur, & indè thoracem intus succingit, hîc *plevra* nuncupatur. Musculis intercostalibus replentur utriusque lateris intervalla. Musculi subcostales & sternocostales intrinsecus in partem veniunt; inferius verò sic disponitur diaphragma, in duas partes à centro nervoso divisum, ut sigillatim una pars & altera possint, pro singularum thoracis partium dilatatione, contrahi. Multis aliundè musculis, respirationi inservientibus, exterius circumdatur thorax.

Pulmo duplex, ex simplici trunco, scilicet tracheâ ortus, cavitatem thoracis occupat; vasis aereis, sanguineis, lymphaticis, nervosis, textu celluloso communi conjunctis, conflatur uterque. Primorum à tracheâ nascentium divisiones, penè in infinitum multiplices, in vesiculas membranaceas evadunt, si credatur. Arteriâ & venis pulmonalibus totus sanguis, à dextro cordis ad sinistrum, per pulmonem vehitur. Arteriæ venæque bronchiales, bronchiorum divisiones ad nutritionem secutæ; modò in glandibus finem habent, modò in ductus exhalantes facessunt, aut venarum pulmonalium radicibus ortum præbent.

His generatim præmissis, pectoris ossium structuram, ordinem, nec-non usum, perlustrare operæ pretium est.



Vertebrarum duodecim corpora spongiosa, lateraliter plana, antrosum convexa, peculiari & communi substantiâ ligamento-cartilagineâ aduniuntur. Quò magis quæque ad inferiorem partem vergunt, eò majore crescunt amplitudine: ex duabus vertebribus inter se junctis, lateraliter apparent facieculæ, ad costarum capitis eminentiam recipiendam efformatæ. Apophyses *spinose* dictæ, sunt longæ, acutæ, unam super alteram inclinatæ; *Articulares* verò sunt verticaliter positæ, explanatæque; *transverse* ferè transversaliter sitæ; ad extremum, cavitatem in quâ costarum excipitur tuberositas exhibent. Quæque apophyses substantiâ solidâ constant; nonnullæ tamen vertebrae à prædictâ dispositione plus minusvè recedunt, quod quærenti exponemus.

Sternum, os *pectorale* Celso vacatum, cellulosum, triangulare, totam thoracis partem anteriorem occupans, superius minori, quàm inferius, à vertebribus jacet intervallo. Duobus marginibus & duabus extremitatibus gaudet; in superiori extremo, quod est spissius, magnam & semilunarem observant incisuram, quam antiqui vocabant gallicè *la fourchette*; pars verò inferior definit in cartilaginem *xiphoiden* dictum. In marginibus lateralibus, obliquis & tenuioribus, septem conspiciuntur utrinque incisuræ, ad costarum cartilagines recipiendas aptæ.

Costæ viginti quatuor, duodecim scilicet in utroque latere; arcus sunt ossei plus minusvè perfecti, transversè & obliquè in pectoris lateribus siti. Harum septem superiores *veræ* dicuntur seu *legitimæ*, eò quòd, mediantibus suis cartilaginibus, immediatam habeant cum sterno connexionem: quinque verò inferiores *falsæ* seu *spuriæ* nuncupantur, eò quòd suis cartilaginibus sternum non immediatè attingant; harum etiam ultima & penè ultima liberæ videntur, ideòque *fluctuantes* dici solent. In corpus seu mediam partem & extremitates, quæ duæ sunt, unam scilicet anteriorem cartilagine continuam, posteriorem verò capitulo cum dorsi vertebribus connexam, dividuntur costæ. Corpus facie



externâ convexâ , internâ concavâ , duobusque marginibus pollet ; in utrâque orâ duo observantur labia pro muscutorum intercostalium insertionem : labia inferiora sulco seu sinuositate , secundum costarum longitudinem excurrente , nervos & vasa sanguifera excipiente , separantur.

Inter se discrepant costæ , 1.º. longitudinis ratione , nam prima & ultima brevissimæ sunt ; quò latior sit thorax , eò longiores evadunt , sicut & appendices cartilagineæ. 2.º. Ratione incurvationis , superiores enim magis quàm inferiores incurvari videntur. 3.º. Suprema costa posterius cum unâ tantum dorsi vertebrâ , omnes verò sequentes & singulæ veræ , cum duabus vertebris & duobus processibus , articulationem subeunt.

Inter cartilagines prior brevis & crassior apparet ; sex autem sequentes , longitudinem acquirendo , tenues fiunt. Alterutrâ , capitulis à posterioribus ossibus non dissimilibus , cum sterno adiunguntur. Spuriarum contra cartilagines inter se articulantur & etiam cum motu , exceptis ultimâ & penè ultimâ , quæ , ut diximus , liberæ videntur. Quasunque articulationes ambiunt valida ligamenta

Mobilitatem variam in diversis costis demonstrant Anatome & experientia. Suprema ferè stat immobilis ; sequentes magis ac magis mobiles fiunt ; liberrimæ verò fluctuant duæ inferiores. De actione igitur muscutorum intercostalium dubio locus non est , si quidem , primâ tantum costâ resistente , reliquæ versus eam attrahuntur. Hoc autem fit motibus muscutorum ad angulum oppositorum combinatis ; indè per diagonalem elevantur costæ.

Sic & diaphragmatis contractione ampliatur cavitas ; aer verò tum pondere , tum elasticitate , versus minorem resistantiam per pulmonem præceps ruit ; solutâ omni actione , diaphragma rursum elevatur , cartilagines antea contortæ , restituntur ; nec aer , sed vapor aquosus & acëscens exprimitur. Duplex iste motus *respiratio* vocatur.



Post progressum cruoris in pulmonum anfractus, ut latex rubicundior & fluidior egreditur. Numquid hoc producitur ab aere elastico, per pulmonem à sanguine recepto, scilicet ut æquálance præponderet cum aere ambiendi; aut ut oscillationes, motum progressivum & intestinum, calorem & fluiditatem atque etiam fermentationem conferat? An non indè veniunt in sanguinem partes activæ, spirituosæ, ætheræ, vel electricæ, atque etiam spiritus vitalis, aut ipsi materia proxima? Si non verum, attamen verissimillimum. Aliundè ad digestionem, alimentorum progressum, chyli assensum inservit respiratio: excrementorum, urinæ expulsionem, fœtus enixum adjuvat; in scretu, sternutatione, risu, nec non suspiriis confert; vocem denique constituit & loquelam.

## EX CHIRURGIA.

A costarum mobilitate, obliquâ directione, cartilaginumque flexibilitate, infrequentiores horum ossium fracturæ sunt repetendæ: rariores sunt spuriarum costarum fracturæ; nunquam franguntur quæ fluctuantes dicuntur.

DUPLEX generis costarum fractura, vel simplex, vel complicata. Simplex dicitur, cum corpus collidens totam vim in frangendâ costâ, absque fragmento quolibet, impendit; quod fit, aut pectore utrinque valentiùs compresso, adè ut fractæ extremitates in exteriorem partem & versum cutim, ut ita dicam, erumpant; aut quod, percussâ costâ, in ipso collisionis loco fractâ, versum interiora tendat; in utroque casu, à proprio situ, vel ob costarum curvaturam, vel ob aptam muscutorum intercostalium dispositionem, non decedunt fracta.

DIVISIO.

In longitudinem findi posse costas affirmare haud absurdum nec



ab omni sensu & fide destitutum. Difficilior hujusce generis fracturæ diagnosi; nam à sede suâ non dimotis partibus, nullâ certâ notâ explorari potest; non elewantur nec deprimuntur fracta; pars etiam læsa parum vel nihil intumescit, & dolor, à periosteo carnisque vexatis natus, opinionem fracti fissique ossis frustra facere valet. Notis tamen, quæ post curationem oriuntur, dignoscitur, callo, verbi gratiâ, exsuperante.

Multiplici modo complicatæ sunt costarum fracturæ, 1<sup>o</sup>. fragmentis rarò eminentibus, sed sæpè sapiùs intrâ demissis, pleuram pulmonesque lædentibus; 2<sup>o</sup>. lisdem fragmentis ruptâ & dilaceratâ arteriâ intercostali, sanguine potiùs intrâ Thoracem quàm extrâ; cum nullum sit vulnus, ruente; 3<sup>o</sup>. Emphysemate, præsertim si lædantur pulmones, tunc enim aer, intrâ telam cellularem pleuræ & adiposas cellulas externas, præceps irrumpit, easque ultrâ modum distendit. Secerni debet illa emphysematis species, ab ipsâ quæ contusis externis partibus non rarò fit; 4<sup>o</sup>. Percussis internis visceribus; eò asperior ille casus, quò major injuria extrinsecus accesserit, & magis ac magis continuatâ pressione violatum fuerit pectus. Quod ubi accidit, gravis movetur inflammatio, quam febris sequitur, cum difficili anhelitu, dolore, sanguinis scretu; & indè promptius gangrenæ periculum, aut saltem suppuratio, phthisis pulmonalis & Empyema puris oriuntur. Sæpè etiam cor ruptum violenterque fuit dilaceratum. Demùm si spuria costæ vehementiùs percussæ ac collisæ sunt, eò graviore periculosiorique contusionis gradu afficiuntur hepar, necnon cætèra viciniora viscera, quò liberiùs collidenti ictui cesserint costæ, siquidem, ut suprâ diximus, faciliùs flectuntur, quàm franguntur.

#### DIAGNOSIS.

SIMPLEX costarum fractura, licet è sedibus non dimoveantur partes fractæ, facili negotio dignoscitur: nam sedulo digitis pertractatâ costâ, interposito utrinque pollicis spatio, inæqualis apparet; presenti



prementi digito cedit; tactu & auribus percipitur crepitus in emphysemate haud similis. Aëri obesitate, nimiaque partium tumefactione obstructa fugiunt persæpè prædicta signa, & tamen non impeditur curatio.

Integris tegumentis, nullum datur vel levissimum fissæ costæ signum.

Fragmentis extrà, veluti aculeis, cutis & carnes si urgeantur, fracta inæqualia, pungentem, tangente digito, dolorem referunt; acutus è contrà ille doloris sensus intrà Thoracem, cum accidentibus læsionis viscerum in ipso contentorum comprehensus, deorsùm insedere fragmentum monet.

Præcisam esse arteriam intercostalem intelligitur, ex cute ibi lividâ & nigricante, ut ferè in ecchymosi. Multùm sanguinis, quod rariùs est, in pectus confluisse quædam notæ designant, quarum frequentior est, spiritum difficiliùs trahi: Paulatim animo linquitur æger, verticalem vitat situm; sibi jucundius est, in illud latus, in quo sanguis inclusus est, cubare; ne humore effuso premantur pulmones. Si contrà minor intrà Thoracem sit sanguinis effluxus, subitò non intercluditur spiritus; at paulòpost computrescit sanguis, ad dissolutionem nec non suppurationem vergit; inde empyema puris, cæteravè accidentia hinc subsequuntur. Tandem inflammatio, aliaque symptomata; complicatam esse costarum fracturam, læsione viscerum in Thorace vel abdomine contentorum, signis unicuique propriis, prænuntient.

LEVIS est momenti simplex costarum fractura; gravior sit, fragmentis pulmones lædentibus, aut in sedem suam excitandis, aut operatione plus minusve gravi extrahendis; periculum non movent partium externarum contusiones; maximum verò imminet, corde, majoribus vasis, pulmonibus, necnon hepate percussis; mors tunc in propinquo esse solet.

#### PROGNOSIS



CURATIO. In simplici costarum fracturâ, non excidunt partes fractæ, nec è propriis sedibus dimoventur; ergo nullum ferè negotium est adhibendum, ut inter se aduniantur fracta; imponantur tantùm multi denique panni, injiciatur fascia, quam *mantile cum suspensorio* vocant; hanc nimiùm adstringi, præcavendum, ne impediatur respiratio, indè enim graviora accidentia, novaque orientur. Sanguinis detractio, diæta, quies, & alia quæ adversùs inflammationem maximè valent, in aliis utilia, in hoc casu valdè necessaria remedia, nequaquàm sunt omittenda. Acutis si fragmentis plevrâ, pulmones, vel etiam partes externæ lædantur, incisis protinùs cute & musculis, manu digitisque in sedem suam reponantur fragmenta, aut vossellâ, aut alio quolibet medio extrahantur. Emphysema si enascatur, præcidantur regumenta ad liberiores aeris exitum; vel si adsit vulnus, alt tenue, ad eundem finem sectione amplietur: lenis fiat fricatio, & superdentur discutientia; expedit etiam, tumorem, si res patitur, impositis pannis & arctè circumdatâ fasciâ, paulò valentiùs comprimi. Contusis externis partibus adhibeantur media resolutiva; varia seligantur pro diverso contusionis gradu.

Fragmento præcisâ aut dilaceratâ arteriâ intercostali, profluenteque sanguine si tumor oriatur; incidantur quæ sunt incidenda, ut pateat arteria; tunc solo prementi aliquantisper digito sæpè sæpiùs compescitur hæmorrhagia. Longè præstantior est immediata compressio ligaturâ quæ fit acu curvâ & retusâ, per partes molles demissâ, filum interposito pulvillo ducente, quod, extractâ acu, in vulnere relinquitur: strictâ enim istâ vincturâ, læditur costa & urgentur carnes; anteposenda adhuc compressio instrumenti D. Lotteri actioni, quâ corpus extraneum majus ac durius intrâ thoracem pellitur, quod vitandum; demùm ad compescendum sanguinis effluxum si quædam requireretur machina, illa certè D. Belloq, aliarum accidentibus destituta, præ cæteris adhibenda videtur; ast nihil tutius, nihil præstantius,



prædictâ compressionē, ministri impositis digitis factâ; aliundè ex ruptâ arteriâ intercostali rarò sanguis summo cum periculo irruit. Si sanguinem intùs conquievissē, diaphragmaque premi, ex signis suprà memoratis deprehendatur, re exploratâ, is evocandus, vel sectione in thorace factâ, vel vulnere, si quod sit; situm in parte inferiori pectoris habet vulnus: etiam si angustius supponatur, illud incidendum donec satis pateat; idem agendum, sanguine diurnâ commoratione computrescente. In utroque casu, quandiu aliquid effusi humoris vestigium apparet, haud glutinandum vulnus, sed linteolum cæsitium, cuius oræ in fila resolutæ sunt, relinquendum. Contusis internis partibus, considerantur media ad inflammationem minuendam aptiora nec non promptiora; quæ si in suppurationem abierit, incidatur abcessus; superveniens verò gangræna, nisi promptius contineatur, summâ celeritate serpit & mortem ineluctabilem affert.





